



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XXXVIII.

urn:nbn:de:hbz:466:1-11453

DUrabat per id tempus bellū in Saxonia, in quod sua quisq; odia prosequitur. Gottingenses tum cepere arcem Iunde, & castellanum eius duxere captiuum: Oppidum Northem sub arce Hardenberg captum & incineratum. Goslarienses arcem Hartesborg expugnauere, quæ illis semper erat in diabolum malum. Sed Henricus dux Brunfwici, in societatem deuocatis militibus ecclesiæ Hildesemensis, adequitabat Goslariam, ostentans illi cum non multis. Ciues elati recenti victoria, facile excurrunt: ducem, ut putabant, nullo negotio repulsuri: Ille, quod non cauebant, simulata fuga, retrotulit pedem. Ciues immemores, quid recenti memoria Embiccensibus acciderit, acrius cedentem perurgent sequentes, donec collocatis insidijs intercepti caduntur, capiuntur, abducuntur, ære emunguntur. Stabat in vrbis porta vir militaris, casuum illorum peritissimus, qui ciues sequi suos parantes, vix potuit in tuto continere, ne in idem periculum sequentes cum prioribus laberentur: Cernitis, inquit, turbatos ordines, vestros cadi, capi, fugari: Et quid nisi in apertum ruitis periculum? Si iam eo peruenissetis, nihil vobis prosperius, quam intendere fugam, si permetteretur. Sic agitur cum vrbicis, posteaquam audaciæ suæ nullum ponunt modum. Quis nocuisset stantibus intra sua mœnia? Quis vel ad proximam pugnantibus? Satiusq; erat amittere pauca quæ abigerentur iumēta, quam talem videre exitum, dum audent procurrere, & ut ipsi putant, ostentare vires, certare pro gloria, quibus satis superq; esse debuit, incolitatem suam tueri. Aequè enim proficiunt militares in mercaturis, & ciues in armis: Sorte sua contenti sunt pauci. Sed hic sit huius modus voluminis.

M m m

S A X O